

石刻史料叢書
乙編之一

集

古

錄



原刻景印
石刻史料叢書



嚴耕望編

藝文印書館印行

石刻史料叢書乙編之一

錄 古 集

(一)



尾跋

撰 修 陽 歐 宋

目

撰 鼎 陽 歐 宋
輯 校 孫 荃 繆 清

集古錄跋尾十卷

惟琨題



光緒丁亥校刊
行素堂藏版

欽定四庫全書提要

集古錄十卷宋歐陽修撰古人法書惟重真蹟自梁元帝始集錄碑刻之文爲碑英一百二十卷見所撰金樓子是爲金石文字之祖今其書不傳曾鞏欲作金石錄而未就僅製一序存元豐類彙中修始採摭佚遺積至千卷撮其大要各爲之說至嘉祐治平閒修在政府又各書其卷尾於是文或小異蓋隨時有所竄定也修自書其後題嘉祐癸卯至熙甯二年己酉修季子棐復摭其略別爲目錄上距癸卯蓋六年而棐記稱錄旣成之八年則是錄之成當在嘉祐六

年辛丑其真蹟跋尾則多係治平初年所書亦間有在熙寧初者知棐之目錄固承修之命而爲之也諸碑跋今皆具修集中其跋自爲書則自宋方崧卿裒聚真蹟刻於廬陵曾宏父石刻鋪敘稱有二百四十六跋陳振孫書錄解題稱有三百五十跋修子棐所記則曰凡二百九十六跋修又自云凡四百餘篇有跋近日刻集古錄者又爲之說曰世所傳集古跋四百餘篇而棐乃謂二百九十六雖是時修尙無恙然續跋不應多逾百篇因疑寫本誤以三百爲二百以今考之則通此十卷乃正符四百餘跋之數蓋

以集本與真蹟合編與專據集本者不同宋時
廬陵之刻今已不傳無從核定不必以棐記爲
疑矣是原本但隨得隨錄不復詮次年月故修
之自序曰有卷帙而無時世先後蓋其取多而
未已也近來刻本乃以時代先後爲序而於每
卷之末附列原本卷帙次第轉有年月倒置更
易補正之處故錢曾讀書敏求記以爲失其初
意然攷毛晉跋是書曰自序謂上自周穆王以
來則當以吉日癸巳石刻爲卷首毛伯敦三銘
是作序目後所得宜在卷末卽子棐亦未敢妄
爲詮次蓋周益公未能攷訂云云據此則周必

大時之本已案時世爲次其由來固已久矣今
刻修文集者但序時代不復存每卷末之原次
則益爲疏耳今仍依見行本篇次著於錄焉



集古錄跋尾目次

卷一

古敦銘

毛伯敦

龔伯彝

伯庶父敦

韓城鼎銘

商雒鼎銘

周穆王刻石

古器銘

又古器銘

終南古敦銘

叔高父煮簋銘

敦匱銘

敦匠銘

張仲器銘

石鼓文

秦度量銘

秦昭和鐘銘

秦祀巫咸神文

又別本

祀朝那湫文附
增入

之罘山秦篆遺文

秦嶧山刻石

秦泰山刻石

鄒嶧山刻石

前漢谷口銅甬銘

前漢二器銘

前漢鴈足鐙銘

後漢袁良碑

後漢張平子墓銘

後漢北海相景君碑

後漢費鳳碑

後漢孔宙碑陰題名

後漢劉曜碑

後漢衡方碑

後漢謁者景君碑

後漢景君石郭銘

卷二

後漢沛相楊君碑

又別本

增入

後漢郭先生碑

又別本

後漢費府君碑

後漢俞鄉侯季子碑

後漢武榮碑

後漢楊震碑

後漢楊震碑陰題名

後漢碑陰題名

又

又

後漢公昉碑

後漢人闕銘

後漢武班碑

後漢中常侍費亭侯曹騰碑

後漢司隸楊君碑

後漢張公廟碑

後漢魯相置孔子廟卒史碑

後漢孔德讓碑

後漢修孔子廟器碑

後漢樊常侍碑

後漢孫叔敖碑

後漢泰山都尉孔君碑

後漢西嶽華山廟碑

後漢朔方太守碑陰

後漢王元賞碑

後漢郎中鄭固碑

後漢田君碑

後漢桐柏廟碑

後漢祝睦碑

後漢祝睦後碑

後漢老子銘

後漢堯祠祈雨碑

卷三

後漢冀州從事張表碑

後漢竹邑侯相張壽碑

後漢金鄉守長侯君碑

後漢魯相晨孔子廟碑

後漢孔君碑

後漢愼令劉君墓碑

後漢北軍中侯郭君碑

後漢析里橋郾閣頌

後漢堯母碑

後漢繁陽令楊君碑

後漢高陽令楊君碑

後漢楊君碑陰題名

又漢楊君碑陰題名

後漢碑陰題名

後漢楊公碑陰題名

後漢殘碑陰

後漢魯峻碑

後漢元儒婁先生碑

後漢桂陽太守周府君紀功銘

後漢桂陽周府君碑

後漢桂陽周府君碑後本

後漢秦君碑首

又別本

後漢堯祠碑

後漢郎中王君碑

後漢樊毅華嶽廟碑

後漢太尉陳球碑

後漢樊毅華嶽碑

後漢修西嶽廟復民賦碑

後漢北嶽碑

後漢無極山神廟碑

後漢穀阬君神祠碑

後漢敬仲碑

後漢無名碑

後漢橐長蔡君頌碑

後漢唐君碑

後漢朱龜碑

後漢司隸從事郭君碑

後漢太尉劉寬碑

又後漢太尉劉寬碑

後漢太尉劉寬碑陰題名

後漢小黃門譙君碑

後漢文翁石柱記

後漢文翁學生題名

後漢熊君碑

後漢元節碑

後漢殘碑

後漢天祿辟邪字

卷四

魏受禪碑

魏鍾繇表

又別本

魏公卿上尊號表

魏劉熹學生冢碑

魏賈逵碑

魏鄧艾碑

吳九真太守谷府君碑

吳國山碑

晉南鄉太守頌

晉南鄉太守碑

晉南鄉太守碑陰

晉陸階碑

晉樂毅論

晉蘭亭修禊序

范文度摹本蘭亭序

又

又

晉王獻之法帖

又

晉賢法帖

晉七賢帖

宋文帝神道碑

宋宗慤母夫人墓誌

齊鎮國大銘像碑

南齊海陵王墓銘

又增入

梁智藏法師碑

陳浮屠智永書千字文

又

魏九級塔像銘

大代修華嶽廟碑

又

懷州孔子廟碑

後魏孝文北巡碑

後魏定鼎碑

後魏石門銘

後魏神龜造碑像記

魯孔子廟碑

東魏任城王造浮圖記

東魏造石像記

北齊常山義七級碑

又別本

永樂十六角題名

北齊石浮圖記

後周大像碑

卷五

隋太平寺碑

隋老子廟碑

隋尔朱敞碑

隋龍藏寺碑

又別本

隋李康清德頌

隋梁洋德政碑

隋韓擒虎碑

隋陳茂碑

隋蒙州普光寺碑

隋丁道護啟法寺碑

隋汎愛寺碑

隋鉗耳君清德頌

隋廬山西林道場碑

又別本

唐德州長壽寺舍利碑

唐孔子廟堂碑

千文後虞世南書

唐呂州普濟寺碑

唐幽州昭仁寺碑

唐顏師古等慈寺碑

隋郎茂碑

又別本

唐郎穎碑

唐郎穎碑陰題名

唐孝子張常洧旌表碣

唐九成宮醴泉銘

唐歐陽更臨帖

唐皇甫忠碑

唐岑文本三龕記

唐孟法師碑

唐孔穎達碑

陳張慧湛墓誌銘

唐薛稷書

唐益州學館廟堂記

唐衛國李靖碑

唐辨法師碑

唐吳廣碑

唐龍興宮碧落碑

唐徐王元禮碑

唐智乘寺碑

唐九門縣西浮圖碑

唐陶雲德政碑

卷六

唐八都壇實錄

唐魏載墓誌銘

唐乙速孤神慶碑

唐尹氏闕文

唐尹孝子旌表文

唐渭南令李君碑

又

唐流杯亭侍宴詩

又

唐司刑寺大腳

一作蹟勅

唐韓覃幽林詩

唐崔敬嗣碑

唐武盡禮甯照寺鐘銘

唐韋維善政論

唐有道先生葉公碑

唐郭知運碑銘

唐御史臺精舍記

唐西嶽大洞張尊師碑

唐令長新戒

唐興唐寺石經藏贊

唐李邕端州石室記

唐獨孤府君碑

又

唐蔡有鄰盧舍那珉像碑

唐景陽井銘

唐華嶽題名

唐石臺道德經

唐陝州盧奐廳事贊

唐鵲鵲頌

唐元宗謁元元廟詩

唐裴光庭碑

唐羣臣請立道德經臺奏答

唐萬回神迹記碑

唐張嘉貞碑

唐李邕嵩嶽寺碑

唐裴大智碑

唐安公美政頌

唐石壁寺鐵彌勒像頌

唐郎官石記

唐開元聖像碑

唐大照禪師碑

唐植柏頌

唐鄭預注多心經

唐薛仁貴碑

唐舞陽侯祠堂碑

唐崔潭龜詩

唐華陽頌

唐美原夫子廟碑

卷七

唐開元金籙齋頌

唐龍興七祖堂頌

唐明禪師碑

唐放生池碑

唐徐浩元隱塔銘

唐顏真卿書東方朔畫贊

唐畫贊碑陰

唐李陽冰城隍神記

唐李陽冰忘歸臺銘

衛秀書梁思楚碑

唐繙雲孔子廟記

唐呂諲表

又

唐徐方回西壩記

唐裴虬怡亭銘

唐顏魯公題名

又別本

唐元結窪尊銘

唐元結陽華巖銘

唐元結崕臺銘

唐禹廟碑

唐崇徽公主手痕詩

唐李愔碑

唐顏真卿麻姑壇記

唐顏真卿小字麻姑壇記

唐中興頌

又別本

唐李陽冰庶子泉銘

唐李陽冰阮客舊居詩

唐元靖先生碑

唐竇叔蒙海濤誌

唐鹽宗神祠記

唐裴公紀德碣銘

又別本

唐龍興寺四絕碑首

唐千祿字樣

唐千祿字樣摹本

又別本

唐滑州新驛記

唐歐陽瑱碑

唐杜濟神道碑

唐杜濟墓誌銘

唐顏真卿射堂記

唐王師乾神道碑

唐僧懷素法帖

唐張敬因碑

又

唐顏勤禮神道碑

唐重摹吳季子墓銘

又別本

唐雁門王田氏神道碑

卷八

唐顏氏家廟碑

唐顏魯公書殘碑

又

唐湖州石記

唐顏魯公帖

唐顏魯公二十二字帖

唐顏魯公法帖

唐元次山銘

唐張中丞傳

唐甘棠館題名

唐汾陽王廟碑

唐賀蘭夫人墓誌

唐辨正禪師塔院記

唐韓愈盤谷詩序

唐郭忠武公將佐略

唐濟瀆廟祭器銘

唐神女廟詩

唐馬寔墓誌銘

又

唐陽武復縣記

唐石洪鍾山林下集序

唐房太尉遺愛碑陰記

唐韓退之題名

唐田宏正家廟碑

唐韓愈南海神廟碑

唐韓愈羅池廟碑

唐韓愈黃陵廟碑

唐胡良公碑

唐韓文公與顛師書

唐高閑草書

唐盧頊禱聰明山記

唐侯喜復黃陂記

又

唐柳宗元般舟和尚碑

唐虞城李令去思頌

唐僧靈澈詩

唐南嶽彌陀和尚碑

唐陽公舊隱碣

唐于鵠神道碑

唐昭懿公主碑

唐李光進碑

卷九

唐沈傳師遊道林嶽麓寺詩

唐樊宗師絳守居園池記

唐張九齡碑

唐崔能神道碑

唐田布碑

唐鄭權碑

唐李德裕茅山三像記

唐李德裕平泉草木記

唐李文饒平泉山居詩

唐李德裕大孤山賦

唐大孤山賦

唐辨石鐘山記

唐元稹修桐柏宮碑

唐李藏用碑

唐薛苹唱和詩

唐法華寺詩

賽陽山文

唐武侯碑陰記

唐王質神道碑

唐元度十體詩

唐鄭澣陰符經序

又

唐山南西道驛路記

唐何進滔德政碑

唐李聽神道碑

唐李石神道碑

唐高重碑

唐康約言碑

唐復東林寺碑

唐曾昌投龍文

唐夔州都督府記

唐俞珣書陳果仁告身并捨宅造寺疏

唐圭峯禪師碑

唐濠州勸民栽桑敕碑

又別本

增入

唐閩遷新社記

又

唐令狐楚登白樓賦

唐礪溪廟記

唐白敏中碑

唐于僧翰尊勝經

唐孔府君神道碑

唐陸文學傳

又增入

唐百巖大師懷暉碑

卷十

唐王重榮德政碑

唐張將軍新廟記

唐花林宴別記

唐潤州陀羅尼經幢

唐玉藻詩

唐人書楊公史傳記

張龍公碑

又別本

瘞鶴銘

又

黃庭經四首

遺教經

小字道德經

唐人臨帖

小字法帖

又

十八家法帖

雜法帖六首

景福遺文

浮槎寺八記詩

福州永泰縣無名篆

又

謝仙火

周伯著碑

裴夫人誌

五代時人署字

楊凝式題名

徐鉉雙溪院記

王文秉小篆千字文

王文秉紫陽石磬銘

郭忠恕小字說文字源

郭忠恕書陰符經

太清石闕題名

太清東闕題名

集古錄跋尾目次終

集古錄跋尾卷

宋廬陵歐陽修永叔著

吳縣朱記榮重校刊

古敦銘

毛伯敦 龔伯彝 元第九百四十一

伯庶父敦

右毛伯古敦銘嘉祐中原父以翰林侍讀學士出爲永興軍路安撫使其治在長安原父博學好古多藏古奇器物能讀古文一作之銘識考知其人事蹟而長安秦漢

故都時時發掘所得原父悉購而藏之以予方集錄古文故每有所得必摹其銘文以見遺此敦原父得其蓋於扶風而有此銘原父爲予考按其事云史記武王克商尙父牽牲毛叔鄭奉明水則此銘謂鄭者毛叔鄭也銘稱伯者爵也史稱叔者字也敦乃武王時器也蓋余

集錄最後得此銘當作錄目敘時但有伯同銘吉日癸巳字最遠故敘言自周穆王以來敘已刻石始得斯一作此銘乃武王時器也其後二銘一得盤屋曰龔伯尊彝其一亦得扶風曰伯庶父作舟姜尊敦皆不知爲何人也三器銘文皆完可識具列如左 右真蹟

毛伯敦銘

毛伯敦銘
王十
年
吉
日
癸
巳
龔
伯
尊
彝
其
後
二
銘
一
得
盤
屋
曰
龔
伯
尊
彝
其
一
亦
得
扶
風
曰
伯
庶
父
作
舟
姜
尊
敦
皆
不
知
爲
何
人
也
三
器
銘
文
皆
完
可
識
具
列
如
左
右
真
蹟

喬了命少女炎市同麗口黃
喬加用事鄭料嶺晉說對陽
太子休命鄭用止肺皇步昇
白廣昭鄭西學氣變少乘疆
子學永廟用官

釋文

惟二年正月初吉王在周昭宮丁亥王格于宣射毛
伯入門位中庭右祝鄭王呼內史問命鄭王曰鄭昔
先王既命女作邑一字未詳五邑祝今余佳亂商
乃命錫女赤芾同冕齊黃鑾旂用事鄭拜稽首敢對
揚天子休命鄭用作朕皇考龔伯尊敦鄭其壽壽萬

薛尚功釋云惟二年正月朔吉王在周邵宮丁亥王
格于宣榭毛伯內門立中廷佑祝邠王呼內史冊命
邠王曰邠昔先王既命汝作邑繼五邑祝今余惟
京乃命錫汝亦節形苑齊黃鑾旂用事邠拜稽首敢
對揚天子休命邠用作朕皇考龔伯尊敦
邠其眉壽萬年無疆子子孫孫永寶用享

龔伯彝銘

皇止皇且
 登公文公
 或曰皇
 考齊曰
 燠縣
 皇冥
 幽莫
 秀爽
 彊雷
 凡雷
 含冥
 子孫
 永嗣
 用
 宜于
 廟室

釋文

戾作皇祖懿公文武伯皇考龔伯尊彝戾其熙熙

萬年無疆肅終肅始其子子孫孫永寶用享于宗室
薛尚功釋云戾作皇考益公文公武伯皇考龔伯龔
彝戾其熙熙萬年無疆令終令命其子子孫孫永寶
用享于宗室

伯庶父敦銘

惟二月戊寅伯庶父作王姑舟姜尊敦其永寶用

釋文

惟二月戊寅伯庶父作王姑舟姜尊敦其永寶用

薛尚功釋舟
爲周餘同上

韓城鼎銘 元第七百六十一

王九月乙酉錫姜曰卣

司肺光姑君等報命不勅茂
寧王鑒曰德宣灼其酣用瞽
辰辟辟茂勝不夾勅笑不旁
躑躑命曰壽其是子嘉建美
手凶資子田多壽文辰韻令
是串補孔延絲湯縣曰己吉
金用止竊標昇用甫明光會
德邦君子壽美用斬齡廟簾
壽山蜚陰亟興考變僵用昌
用德明代三孫子三壽是杉
右原甫旣得鼎韓城遺余以其銘而太常博士楊南仲

能讀古文篆籀爲余以今文寫之而闕其疑者原甫在
長安所得古奇器物數十種亦自爲先秦古器記原甫
博學無所不通爲余釋其銘以今文而與南仲時有不
同故并著二家所解以俟博識君子具之如左

右真蹟

惟王九月乙亥晉姜曰余惟司朕先姑君晉邦余不

□安甯丕離明德宜□我猷用□所辭辟□□□□

勅虔不□□□□□寵我萬民嘉遺我錫鹵賚千兩

今灋文侯□□□□□征綏□□堅久吉金用作

寶尊鼎用康甌安懷遠邦君子晉姜用勛□□麋壽

作惠□亟萬年無疆用享用德駿保其孫子三壽是

利

右原父所寫如此

佳惟王九月乙亥晉姜曰余佳惟司同朕先姑君

晉邦余不致妄甯經明離德宣卿

省隸作卹我卹用留彥辟姬疑久光剝虔不家

字讀諸豐享享白帥臂我萬民剝遣我須

鹵字省或胃資于兩勿灋文侯額令畢卑疑聿疑

通字征疑縣湯賜受久吉金用亡作寶尊障

鼎用康疑饁疑安疑綏疑裏遠切君子晉姜用斲

為疑繇疑繇疑為疑眉喜山疑簞疑喙疑為疑丞疑極萬季無疆用昌

享疑用德疑眈疑允保囚其孫子三壽是初

右嘉祐己亥歲馮翊有得鼎韓城者摹其款識于石

樂安公以南仲職典書學命釋其字謹按其銘蓋多
古文奇字古文自漢世知者已稀字之傳者賈逵許
慎輩多無其說蓋古之事物有不與後世同者故不
能盡通其作字之本意也其不傳者今或得於古器
無所依據難以臆斷大抵古字多省偏旁而趣簡易
故隹司至自亾等字皆假借也鄭司農說周禮云古
者書儀但爲義又云古者立位同字古文春秋經公
卽位爲公卽立者是也 叡者進取也从父故𠂔疑
爲叡𠂔 母从女而象乳子形故𠂔疑爲母而縣讀爲
縣 雖用邕聲邕从𠂔古文作𠂔今此𠂔从水从吕
故疑爲𠂔 魯字古作𠂔 卽旅
古文旅作𠂔而𠂔者

字用𦣻爲聲蓋古文魯旅者三字通用故譌疑爲諸

易者篆文象蜥易形故須疑爲易而讀爲錫爲賜

皆以聲假借也鹵从鹵

古西字

中象鹽形胃

胃

上象胃

中穀形故鹵胃二字

疑脫通字

卑者从十在甲下

大今俱用左古

者尙右故十在甲下爲卑

故疑爲卑

亦恐借爲卑讀

母音冠

象穿寶貨形

貫字从之聿或卽母字今毛詩有串夷字俗用爲串

穿之串而說文不載豈非聿字之省也故疑聿讀爲

貫通从辵凡从辵之字多通用故徧疑爲通

古語二字相屬者多爲一字書之若秦鐘銘有字

子小

𠂔

之字是也鹵古西字故頗疑爲西夏字

秦鐘銘亦有此

字

𠂔字說文無之蓋古綏字省系爾其後相承讀

如嫡故疑讀爲綏

旃音假

石鼓文皆作爲古之旌

旂悉載於車故疑駢卽旂字而从車借讀爲祈近嘗有得敦藍田者二銘皆有用駢萬喜之文故知然也

釁今幡爲許刃而釁芭之釁

門音

用之爲聲詩鳧鷖

在釁又省爲釁易繫辭釁又讀如尾釁

門

尾眉聲相

近又古者字音多與今異

徐鉉所謂如自亦音沓釁亦音門乃亦音仍他皆倣

此是也

豈釁眉古亦同音與秦鐘銘亦有釁喜字故曠

疑爲眉

爲者母猴也从爪而象其形故喙爲爲

眈字字書所無而於文執宜爲允蓋用眈省聲也他

字不可識者猶十一二與其偏旁之異者若司馬左

刁斗之類皆今所不傳以小篆參求之不能彷彿以

今揆之其間或當時書者鑄器者不必無謬誤矣姑盡淺學以塞公命云爾

嘉祐壬寅冬十月太常博士知國子監書學豫章

楊南仲識

嘗觀石鼓文愛其古質物象形執有遺思焉及得原甫鼎器銘又知古之篆字或多或省或移之左右上下惟其意之所欲然亦有工拙秦漢以來裁歸一體故古文所見者止此惜哉治平甲辰正月莆陽蔡襄

商雒鼎銘

真蹟

元附九百四十一

右商雒鼎銘者原甫在長安時得之上雒其銘云惟十有四月旣死霸王在下都雒公誠作罍鼎用追享丁于

皇且考用氣麋壽萬年無疆子子孫孫永寶用雖公不知爲何人原甫謂古丁甯通用蓋古字簡略以意求之則得爾而蔡君謨謂十有四月者何原甫亦不能言也治平元年中伏日書

周穆王刻石

元附七百六十一

右周穆王刻石曰吉日癸巳在今贊皇壇山上壇山在

縣南十三里穆天子傳云穆天子

二字一作王

登贊皇

山一字有

以望臨城置壇此

一作北

山遂以爲名

一有圖經云三字

癸巳誌

其日也圖經所載如此而

一無此

又別有四望山者云

是穆王所登者

一作山

據穆天子傳但云登山不言刻石

然字畫亦奇怪土人謂壇山爲馬蹬山以其〇字形類

也慶厯中宋尙書祁在鎮陽遣人於壇山模此字而趙

州守將武臣也遽命工鑿山此一無取此字龕于州廨之

壁間者爲之嗟惜也治平甲辰秋分日書右真蹟

古器銘鐘銘二 缶器銘一 缶字疑非缶 寶敦銘一 元第三百七十一

右古器銘六余嘗見其二曰甌也寶甌鐘也太宗皇帝

時長安民有耕地得此甌初無識者其狀下爲鼎三足

上爲方甌中設銅簞可以開闔製作甚精有銘在其側

學士句中正工於篆籀能識其文曰甌也遂藏於祕閣

余爲校勘時常閱于祕閣下景祐中修大樂冶工給銅

更鑄編鐘得古鐘有銘于腹因存而不毀卽寶甌鐘也

余知太常禮院時嘗於太常寺按樂命工叩之與王朴

夷則清聲合初王朴作編鐘皆不圓至李照等奉詔修樂皆以朴鐘爲非及得寶龢其狀正與朴鐘同乃知朴爲有法也嘉祐八年六月十八日書

右眞蹟

又古器銘

授柳林鐘
元第五百九十一

寶蓋
寶敦

右古器銘四尙書屯田員外郎楊南仲爲余讀之其一

曰綏和林鐘其文磨滅不完而字有南仲不能識者其

二曰寶盃其文完可讀曰伯王般子作寶盃其萬斯年

子子孫孫其永寶用其三其四皆曰寶敦其銘文亦同

曰惟王四年八月丁亥散季肇作朕王母弟姜寶敦散

季其萬年子子孫孫永寶蓋一敦而二銘余家集錄所

藏古器銘多如此也治平元年七月十三日以服藥假

家居書

右真蹟

自余集錄古文所得三代器銘必問於楊南仲章友直暨集錄成書而南仲友直相繼以死古文奇字世罕識者而三代器銘亦不復得矣治平三年七月二十八日

以

一有

孟饗攝事太廟齋宮書

右真蹟

終南古敦銘

元第二百四十一

右終南古敦銘大理評事蘇軾爲鳳翔府判官得古器於終南山下其形制與今三禮圖所畫及人家所藏古敦皆不同初莫知爲敦也蓋其銘有寶尊敦之文遂以爲敦爾

右集本

叔高父煮

一作旅

簋銘

元第四十一

永廩用

此蓋銘

𠂇 𠂈 𠂉 𠂊 𠂋 𠂌 𠂍 𠂎 𠂏 𠂐 𠂑 𠂒 𠂓 𠂔 𠂕 𠂖 𠂗 𠂘 𠂙 𠂚 𠂛 𠂜 𠂝 𠂞 𠂟 𠂠 𠂡 𠂢 𠂣 𠂤 𠂥 𠂦 𠂧 𠂨 𠂩 𠂪 𠂫 𠂬 𠂭 𠂮 𠂯 𠂰 𠂱 𠂲 𠂳 𠂴 𠂵 𠂶 𠂷 𠂸 𠂹 𠂺 𠂻 𠂼 𠂽 𠂾 𠂿 𠃀 𠃁 𠃂 𠃃 𠃄 𠃅 𠃆 𠃇 𠃈 𠃉 𠃊 𠃋 𠃌 𠃍 𠃎 𠃏 𠃐 𠃑 𠃒 𠃓 𠃔 𠃕 𠃖 𠃗 𠃘 𠃙 𠃚 𠃛 𠃜 𠃝 𠃞 𠃟 𠃠 𠃡 𠃢 𠃣 𠃤 𠃥 𠃦 𠃧 𠃨 𠃩 𠃪 𠃫 𠃬 𠃭 𠃮 𠃯 𠃰 𠃱 𠃲 𠃳 𠃴 𠃵 𠃶 𠃷 𠃸 𠃹 𠃺 𠃻 𠃼 𠃽 𠃾 𠃿 𠄀 𠄁 𠄂 𠄃 𠄄 𠄅 𠄆 𠄇 𠄈 𠄉 𠄊 𠄋 𠄌 𠄍 𠄎 𠄏 𠄐 𠄑 𠄒 𠄓 𠄔 𠄕 𠄖 𠄗 𠄘 𠄙 𠄚 𠄛 𠄜 𠄝 𠄞 𠄟 𠄠 𠄡 𠄢 𠄣 𠄤 𠄥 𠄦 𠄧 𠄨 𠄩 𠄪 𠄫 𠄬 𠄭 𠄮 𠄯 𠄰 𠄱 𠄲 𠄳 𠄴 𠄵 𠄶 𠄷 𠄸 𠄹 𠄺 𠄻 𠄼 𠄽 𠄾 𠄿 𠅀 𠅁 𠅂 𠅃 𠅄 𠅅 𠅆 𠅇 𠅈 𠅉 𠅊 𠅋 𠅌 𠅍 𠅎 𠅏 𠅐 𠅑 𠅒 𠅓 𠅔 𠅕 𠅖 𠅗 𠅘 𠅙 𠅚 𠅛 𠅜 𠅝 𠅞 𠅟 𠅠 𠅡 𠅢 𠅣 𠅤 𠅥 𠅦 𠅧 𠅨 𠅩 𠅪 𠅫 𠅬 𠅭 𠅮 𠅯 𠅰 𠅱 𠅲 𠅳 𠅴 𠅵 𠅶 𠅷 𠅸 𠅹 𠅺 𠅻 𠅼 𠅽 𠅾 𠅿 𠆀 𠆁 𠆂 𠆃 𠆄 𠆅 𠆆 𠆇 𠆈 𠆉 𠆊 𠆋 𠆌 𠆍 𠆎 𠆏 𠆐 𠆑 𠆒 𠆓 𠆔 𠆕 𠆖 𠆗 𠆘 𠆙 𠆚 𠆛 𠆜 𠆝 𠆞 𠆟 𠆠 𠆡 𠆢 𠆣 𠆤 𠆥 𠆦 𠆧 𠆨 𠆩 𠆪 𠆫 𠆬 𠆭 𠆮 𠆯 𠆰 𠆱 𠆲 𠆳 𠆴 𠆵 𠆶 𠆷 𠆸 𠆹 𠆺 𠆻 𠆼 𠆽 𠆾 𠆿 𠇀 𠇁 𠇂 𠇃 𠇄 𠇅 𠇆 𠇇 𠇈 𠇉 𠇊 𠇋 𠇌 𠇍 𠇎 𠇏 𠇐 𠇑 𠇒 𠇓 𠇔 𠇕 𠇖 𠇗 𠇘 𠇙 𠇚 𠇛 𠇜 𠇝 𠇞 𠇟 𠇠 𠇡 𠇢 𠇣 𠇤 𠇥 𠇦 𠇧 𠇨 𠇩 𠇪 𠇫 𠇬 𠇭 𠇮 𠇯 𠇰 𠇱 𠇲 𠇳 𠇴 𠇵 𠇶 𠇷 𠇸 𠇹 𠇺 𠇻 𠇼 𠇽 𠇾 𠇿 𠈀 𠈁 𠈂 𠈃 𠈄 𠈅 𠈆 𠈇 𠈈 𠈉 𠈊 𠈋 𠈌 𠈍 𠈎 𠈏 𠈐 𠈑 𠈒 𠈓 𠈔 𠈕 𠈖 𠈗 𠈘 𠈙 𠈚 𠈛 𠈜 𠈝 𠈞 𠈟 𠈠 𠈡 𠈢 𠈣 𠈤 𠈥 𠈦 𠈧 𠈨 𠈩 𠈪 𠈫 𠈬 𠈭 𠈮 𠈯 𠈰 𠈱 𠈲 𠈳 𠈴 𠈵 𠈶 𠈷 𠈸 𠈹 𠈺 𠈻 𠈼 𠈽 𠈾 𠈿 𠉀 𠉁 𠉂 𠉃 𠉄 𠉅 𠉆 𠉇 𠉈 𠉉 𠉊 𠉋 𠉌 𠉍 𠉎 𠉏 𠉐 𠉑 𠉒 𠉓 𠉔 𠉕 𠉖 𠉗 𠉘 𠉙 𠉚 𠉛 𠉜 𠉝 𠉞 𠉟 𠉠 𠉡 𠉢 𠉣 𠉤 𠉥 𠉦 𠉧 𠉨 𠉩 𠉪 𠉫 𠉬 𠉭 𠉮 𠉯 𠉰 𠉱 𠉲 𠉳 𠉴 𠉵 𠉶 𠉷 𠉸 𠉹 𠉺 𠉻 𠉼 𠉽 𠉾 𠉿 𠊀 𠊁 𠊂 𠊃 𠊄 𠊅 𠊆 𠊇 𠊈 𠊉 𠊊 𠊋 𠊌 𠊍 𠊎 𠊏 𠊐 𠊑 𠊒 𠊓 𠊔 𠊕 𠊖 𠊗 𠊘 𠊙 𠊚 𠊛 𠊜 𠊝 𠊞 𠊟 𠊠 𠊡 𠊢 𠊣 𠊤 𠊥 𠊦 𠊧 𠊨 𠊩 𠊪 𠊫 𠊬 𠊭 𠊮 𠊯 𠊰 𠊱 𠊲 𠊳 𠊴 𠊵 𠊶 𠊷 𠊸 𠊹 𠊺 𠊻 𠊼 𠊽 𠊾 𠊿 𠋀 𠋁 𠋂 𠋃 𠋄 𠋅 𠋆 𠋇 𠋈 𠋉 𠋊 𠋋 𠋌 𠋍 𠋎 𠋏 𠋐 𠋑 𠋒 𠋓 𠋔 𠋕 𠋖 𠋗 𠋘 𠋙 𠋚 𠋛 𠋜 𠋝 𠋞 𠋟 𠋠 𠋡 𠋢 𠋣 𠋤 𠋥 𠋦 𠋧 𠋨 𠋩 𠋪 𠋫 𠋬 𠋭 𠋮 𠋯 𠋰 𠋱 𠋲 𠋳 𠋴 𠋵 𠋶 𠋷 𠋸 𠋹 𠋺 𠋻 𠋼 𠋽 𠋾 𠋿 𠌀 𠌁 𠌂 𠌃 𠌄 𠌅 𠌆 𠌇 𠌈 𠌉 𠌊 𠌋 𠌌 𠌍 𠌎 𠌏 𠌐 𠌑 𠌒 𠌓 𠌔 𠌕 𠌖 𠌗 𠌘 𠌙 𠌚 𠌛 𠌜 𠌝 𠌞 𠌟 𠌠 𠌡 𠌢 𠌣 𠌤 𠌥 𠌦 𠌧 𠌨 𠌩 𠌪 𠌫 𠌬 𠌭 𠌮 𠌯 𠌰 𠌱 𠌲 𠌳 𠌴 𠌵 𠌶 𠌷 𠌸 𠌹 𠌺 𠌻 𠌼 𠌽 𠌾 𠌿 𠍀 𠍁 𠍂 𠍃 𠍄 𠍅 𠍆 𠍇 𠍈 𠍉 𠍊 𠍋 𠍌 𠍍 𠍎 𠍏 𠍐 𠍑 𠍒 𠍓 𠍔 𠍕 𠍖 𠍗 𠍘 𠍙 𠍚 𠍛 𠍜 𠍝 𠍞 𠍟 𠍠 𠍡 𠍢 𠍣 𠍤 𠍥 𠍦 𠍧 𠍨 𠍩 𠍪 𠍫 𠍬 𠍭 𠍮 𠍯 𠍰 𠍱 𠍲 𠍳 𠍴 𠍵 𠍶 𠍷 𠍸 𠍹 𠍺 𠍻 𠍼 𠍽 𠍾 𠍿 𠎀 𠎁 𠎂 𠎃 𠎄 𠎅 𠎆 𠎇 𠎈 𠎉 𠎊 𠎋 𠎌 𠎍 𠎎 𠎏 𠎐 𠎑 𠎒 𠎓 𠎔 𠎕 𠎖 𠎗 𠎘 𠎙 𠎚 𠎛 𠎜 𠎝 𠎞 𠎟 𠎠 𠎡 𠎢 𠎣 𠎤 𠎥 𠎦 𠎧 𠎨 𠎩 𠎪 𠎫 𠎬 𠎭 𠎮 𠎯 𠎰 𠎱 𠎲 𠎳 𠎴 𠎵 𠎶 𠎷 𠎸

永固用

此腹銘

右一器其銘云叔高父作煮簋其萬年子子孫孫永
實用其容四升外方內圓而小壻之望之略似龜有
首有尾有足有腹有甲也今禮家作簋內正圓外方
正刻蓋正爲龜形猶有近也不全與古同耳

此銘劉原父在永興得古銅簋模其銘以見寄其後原父所書也

禮家作簋傳其說不知其形制故名存實亡此器可

以正其繆也甲辰正月十二日襄

右煮簋銘曰叔高父作煮簋其萬年子子孫孫永寶用
原父在長安得此簋於扶風原甫曰簋容四升其形外
方內圓而小壻之似龜有首有尾有足有甲有腹今禮
家作簋亦外方內圓而其形如桶但於其蓋刻爲龜形
一有爾字與原甫所得真古簋不同也一有字君謨以爲禮家傳
其說不見其形制故名存實亡原父所見可以正其繆
也故并錄之以見君子之於學貴乎多見而博聞也治
平元年六月二十日書 右真蹟

敦匱銘

周姜寶敦 張伯煮匱
元附八百九十一

右伯回敦銘曰伯回父作周姜寶敦用夙夕享用斲萬

壽尙書同命序曰穆王命伯冏爲周太僕正則此敦周

穆王時器也按史記

一有本紀二字

年表自厲王以上有世次

而無年數共和以後接乎春秋年數乃詳蓋自穆王傳

其孝懿夷厲五王而至於共和自共和至今蓋千有九

百餘年斯敦之作在共和前五世而遠也古之人之欲

存乎久遠者必託於金石而後傳其堙沈埋沒顯晦出

入不可知其可知者久而不朽也然岐陽石

一作十

鼓今

皆在而文字剝缺者十三四惟古器銘在者皆完則石

之堅又不足恃是以古之君子器必用銅取其不爲燥

涇寒暑所變爲可貴者以此也古之賢臣名見詩書者

常爲後世想望矧得其器讀其文器古而文奇自可寶

而藏之邪其後張伯匱銘曰張伯作煮匱其子子孫孫永寶用張伯不知何人也二銘皆得之原父也治平元年正月二十日書

右集本

敦匠銘

伯同敦元無卷第

張仲匠

按匠卽簠字

嘉祐六年原父以翰林侍讀學士出爲永興軍路安撫使其治在長安原父博學好古多藏古奇器物而咸鎬周秦古都其荒基破冢耕夫牧兒往往有得必購而藏之以余方集錄古文乃摹其銘刻以爲遺故余家集古錄自周武王以來皆有者多得於原父也歸自長安所載盈車而以其二器遺余其一曰伯同之敦其一曰張仲之匠其形制與今不同而極精巧敦匠皆有銘而云

匠獲其二皆有蓋而上下皆銘銘文皆同甚矣古之人
慮遠也知夫物必有弊而百世之後埋沒零落幸其一
在尚冀或傳爾不然何丁甯重複若此之煩也其於一
用器爲慮猶如此則其操修施設所以垂後世者必不
苟二子名見詩書伯同周穆王時人張仲宣王時人太
史公表次三代以來自共和以後年世乃詳蓋自共和
元年逮今千有九百餘年而穆王又共和前五世可謂
遠矣而斯器也始獲於吾二人其中閒晦顯出入不可
知以其無文字以志之也蓋其出或非甘六時而遇或非
其人者物有幸不幸也今出而遭吾二人者可謂幸矣
不可以不傳故爲之書且以爲贈我之報

歐陽修記

本

張仲器銘

集本

元第九百八十一

張

張

中

仲

止止

作

廟

鑒

匱

匱

匡

奔

奉

止

之

全

金

錢

錢

鎗

口

其

其

口

口

其

其

其

其

其

其

其

其

步

口

口

授

授

授

授

授

授

授

授

用

用

用

響

響

響

響

響

響

響

響

王

王

王

寘

寘

寘

寘

寘

寘

寘

寘

召

召

召

飲

飲

飲

飲

飲

飲

飲

飲

受

受

受

無

無

無

無

無

無

無

無

受 無 疆 福 必 卅

友 飢 飢 飢 飢 飢 鼎 寶

張 中 仲 界 壽

薛尚功編鼎彝款識有此釋文五十一字附見於此

右張仲器銘四其文皆同而轉注偏旁左右或異蓋古人用字如此爾嘉祐中原父在長安獲二古器銘於藍田形制皆同有益而上下有銘甚矣古之人爲慮遠也知夫物必有敝而百世之後埋沒零落幸其一在尙冀或傳爾不然何丁甯重複若此之煩也詩六月之卒章曰侯誰在矣張仲孝友蓋周宣王時人也距今實千九百餘年而二器始復出原父藏其器予錄其文蓋仲與

吾二人者相期於二千年之間可謂遠矣方仲之作斯器也豈必期吾二人者哉蓋久而必有相得者物之常理爾是以君子之於道不汲汲而志常在於遠大也原父在長安得古器數十作先秦古器記而張仲之器其銘文五十有一其可識者四十一具之如左其餘以俟博學君子

右集本

石鼓文 元第一百一

右石鼓文岐陽石鼓初不見稱於前世至唐人始盛稱之而韋應物以爲周文王之鼓一有至字宣王刻詩一有爾字韓退之直以爲宣王之鼓在今鳳翔孔子廟中鼓有十先時散棄於野鄭餘慶置於廟而亡其一皇祐四年向傳

師求於民間得之

一有十鼓二字

迺足其文可見者四百六十

五

一有摩滅二字

不可識者過半余所集錄文之古者莫先於

此然其可疑者三四今世所有漢桓靈時碑往往尙在
其距今未及千歲大書深刻而摩滅者十猶八九此鼓
按太史公年表自宣王共和元年至今嘉祐八年實千
有九百一十四年鼓文細而刻淺理豈得存此其可疑
者一也其字古而有法其言與雅頌同文而詩書所傳
之外三代文章真蹟在者惟此而已然自漢以來博古
好奇之士皆略而不道此其可疑者二也隋氏藏書最
多其志所錄秦始皇刻石婆羅門外國書皆有而獨無
石鼓遺近錄遠不宜如此此其可疑者三也前世傳記

所載古遠奇怪之事類多虛誕而難信況傳記不載不知韋韓二君何據而知爲文宣之鼓也隋唐古今書籍麤備豈當時猶有所見而今不見之邪然退之好古不妄者余姑取以爲信爾至於字畫亦非史籀不能作也廬陵歐陽某記嘉祐八年六月十日書

右真蹟

秦度量銘

元第六百六十一

右秦度量銘二按顏氏家訓隋開皇二年之推與李德林見長安官庫中所藏秦鐵稱權旁有鐫銘二其文正與此二銘同之推因言司馬遷秦始皇帝本紀書丞相隗林當依此銘作隗狀遂錄二銘載之家訓余之得此二銘也迺在祕閣校理文同家同蜀人自言嘗遊長安

買得

此字一有

二物其上刻二銘出以示余其一乃銅鏃不

知爲何器其上有銘循環刻之乃前一銘也其一乃銅
方版可三四寸許所刻乃後一銘也考其文與家訓所
載正同然之推所見是鐵稱權而同所得乃二銅器余
意秦時茲二銘刻於器物者非一也及後又於集賢校
理陸經家得一銅版所刻與前一銘亦同益知其然也
故并錄之云嘉祐八年七月十日書

右真蹟

秦昭和鐘銘

元第三百四十一

右秦昭和鐘銘曰秦公曰丕顯朕皇祖受天命奄有下
國十有二公按史記秦本紀自非子邑秦而秦仲始爲
大夫卒莊公立卒襄公文公甯公出公武公德公宣公

成公穆公康公共公桓公景公相次立太史公於本紀云襄公始列爲諸侯於諸侯年表則以秦仲爲始今據年表始秦仲則至康公爲十二公此鐘爲共公時作也據本紀自襄公始則至桓公爲十二公而銘鐘者當爲景公也故竝列之以俟博識君子治平元年二月社前

一日書

右真蹟

秦祀巫咸神文

一作秦誓文
元第四百一

右秦祀巫咸神文今流俗謂之詛楚文其言首述秦穆公與楚成王事遂及楚王熊相之罪按司馬遷史記世家自成王以後王名有熊良夫熊適熊槐熊元而無熊相據文言穆公與成王盟好而後云倍十八世之詛盟

今以世家考之自成王十八世爲頃襄王而頃襄王名橫不名熊相又以秦本紀與世家參較自楚平王娶婦於秦昭王時吳伐楚而秦救之其後厯楚惠簡聲悼肅五王皆寂不與秦相接而宣王熊良夫時秦始侵楚至楚懷王熊槐頃襄王熊橫當秦惠文王及昭襄王時秦楚屢相攻伐則此文所載非懷王則頃襄王也而名皆不同又以十八世數之則當是頃襄然則相之名理不宜繆但史記或失之耳疑相傳寫爲橫也 右集本

又別本 祀朝那湫文附增入

右秦祀巫咸神文今流俗謂之詛楚文者以其言楚王熊相之罪也史記世家楚自成王以後王名有熊疑熊

良夫熊商熊槐熊元而無熊相詛文言穆公與成王盟
好而後云倍十八世之詛盟則秦自穆公十八世爲惠
文王也又按秦本紀與楚世家自楚平王娶婦於秦其
後累世不以兵交至宣王熊良夫時秦始侵楚及惠文
王時與楚懷王熊槐屢相攻伐則秦所詛者是懷王也
但史記以爲熊槐者失之爾槐相二字相近蓋轉寫之
誤當從詛文石刻以相爲正又有祀朝那湫文其文與
此同今附於後熙甯三年四月二十三日書

之罘山秦篆遺文

元第三百六十一

右秦篆遺文纔二十一字曰於久遠也如後嗣何成功
盛德臣去疾御史大夫臣德其文與嶧山碑泰山刻石

二世詔語同而字畫皆異惟泰山爲真李斯篆前此遺者或云麻溫故學士於登州海上得片木有此文豈杜甫所謂棗木傳刻肥失真者邪治平元年六月二十日書

右集本

泰嶧山刻石

元第九百五十

右秦嶧山碑者始皇帝東巡羣臣頌德之辭至二世時丞相李斯始以刻石今嶧山實無此碑而人家多有傳者各有所自來昔徐鉉在江南以小篆馳名鄭文寶其門人也嘗受學於鉉亦見稱於一時此本文寶云是鉉所摹文寶又言嘗親至嶧山訪秦碑莫獲遂以鉉所摹刻石於長安世多傳之余家集錄別藏泰山李斯所書

數十字尙存以較摹本則見真僞之相遠也治平元年六月立秋日

右眞蹟

秦泰山刻石

一作書李斯篆後元第一百三十一

右秦二世詔李斯篆天下之事固有出於不幸者矣苟有可以用於世者不必皆賢聖之作也蚩尤作五兵紂作漆器不以二人之惡而廢萬世之利也篆字

二字一作小篆

之法出於秦李斯斯之相秦焚棄典籍遂欲滅先王之

法而獨以己之所作刻石而示萬世何哉

十四字一作至己之所作

則爲萬世不可朽之計何其愚哉

按史記秦始皇帝行幸天下凡六刻

石及二世立又刻詔書于其旁今皆亡矣獨泰山頂上

二世

此字一有詔書字

僅在所二字存數十字爾今俗傳嶧

山碑者史記不載又其字體差大六字一作其字特大不類泰山

存者其本出於徐鉉一無此六字又有別本云一無此出於夏

竦家者以今市人所鬻校之無異十一無此自唐封演已

言嶧山碑非真而杜甫直謂棗木傳刻爾皆不足貴也

一無此余友江鄰幾一作休復謫官於奉符嘗自至泰山頂

上視秦所刻石處云石頑不可鐫鑿不知當時何以刻

也然而二字一作其四面皆石字無草木而野火不及故能

若此之久也一有然風雨所剝其存者纔此數十字一無此

而已本鄰幾遺余也比今俗傳嶧山碑本特爲眞者

爾一無此十九字作休復字鄰幾五字右集本

鄒嶧山刻石 一作秦二世詔

右鄒嶧山秦二世刻石以泰山所刻較之字之存者頗多而摩滅尤甚其趙嬰楊樛姓名以史記考之乃微可辨其文曰大夫趙嬰五大夫楊樛皇帝曰金石刻盡始皇帝所爲也今襲號而金石刻凡二十九字多於泰山存者而泰山之石又滅盛德二字其餘則同而嶧山字差小又不類泰山存者刻畫完好而附錄於此者古物難得兼資博覽耳蓋集錄成書後八年得此于青州而附之熙甯元年秋九月六日書

右眞蹟

前漢谷口銅甬銘

始元四年

右漢谷口銅甬原父在長安時得之其前銘云谷口銅甬容十其下滅兩字始元四年左馮翊造其後銘云谷

口銅甬容十斗重四十尼甘露元年十月計掾章平左
馮翊府下滅一字原父以今權量校之容三斗重十五
斤始元甘露皆宣帝年號也一有字余所集錄千卷前漢時
文字惟此與林華行鐙蓮勺博山鑪盤銘爾治平元年
六月九日書 右真蹟

前漢二器銘

林華宮行鐙一蓮勺宮博山鑪一
五鳳二年元第八百一十一

劉原父帖

近又獲一銅器刻其側云林華觀行鐙重一斤十四
兩五鳳二年造第一今附墨本上呈

右林華宮行鐙銘一蓮勺宮銅博山鑪下槃銘一皆漢
五鳳中造林華宮漢書不載宣帝本紀云困於蓮勺鹵

中注云縣也亦不云有宮蓋秦漢離宮別館不可勝數
非因事見之則史家不能備載也余所集錄古文自周
穆王以來莫不有之而獨無前漢時字求之久而不獲
每以爲恨嘉祐中友人劉原甫出爲永興守長安秦漢
故都多古物奇器埋沒於荒基敗冢往往爲耕夫牧豎
得之遂復傳於人間而原甫又推喜藏古器由此所獲
頗多而以余方集古文故每以其銘刻爲遺旣獲此二
銘其後又得谷口銅甬銘乃甘露中造由是始有前漢
時字以足余之所闕而大償其素願焉余所集錄旣博
而爲日滋久求之亦勞得於人者頗多而最後成余志
者原甫也故特誌之嘉祐八年歲在癸卯七月二十日

書右真蹟

前漢鴈足鐙銘

黃龍元年

元第八百十一

此跋本與漢二器銘銅甬銘其爲

卷一

上林榮宮銅鴈足鐙下有槃

上林榮宮銅鴈足鐙下有槃

并重八斤黃龍元年民工李

羽重八斤黃龍元年民工李

常造弟四

常造弟四

弟二

弟二

百世

百世

裴如晦帖

煜頃嘗謂周秦東漢往往有銘傳於世間獨西漢無
有王原叔言華州片瓦有元光字急使人購得之乃
好事者所爲非漢字也侍坐語及公亦謂家集所闕
西漢字耳煜守丹陽日蘇氏者出古物有銅鴈足鐙
制作精巧因辨其刻則黃龍元年所造其言榮宮二
史間未始概見遂摹之欲寄左右以爲集古錄之一
事會悲苦不果昨偶開篋見之謹以上獻亦聞原甫
於秦中得西漢數器不知文字與此類否煜再拜

元年十二月十四日

後三年余出守亳社而裴如晦以疾卒於京師明年原甫卒於南都二人皆年壯氣盛相次以沒而余獨歸然而存也熙甯壬子四月

右真蹟

後漢袁良碑

永建六年元第七百七十一

右漢袁良碑云君諱良字卿卿上一字摩滅陳國扶樂人也厥先舜苗世爲封君周興虞闕父自此而滅又云滿爲陳侯至元孫濤塗以字立姓曰袁自此又滅又云當秦之亂隱居河洛高祖破項實從其冊天下既定還宅扶桑蓋不知爲何人也又云孝武征和三年曾孫斬賊先勇拜黃門郎曾孫滅其名賊下亦一作滅一字又

曰封關內侯食遺鄉六百戶薨子經嗣經薨子山嗣傳
國三世至王莽而絕君卽山之曾孫也舉孝廉郎中謁
者將作大匠丞相令廣陵太守討江賊張路等威震徐
方謝病歸家孝順初初下數字滅又云府舉君拜議郎
符節令其後又云永建六年二月卒其碑首題云漢故
國三老袁君碑而碑文有使者持節安車又有几杖之
尊袒割之養君實饗之之語以此知良嘗爲三老矣其
餘摩滅雖時時可讀而不能次第也又云帝御九龍殿
引對飲宴九龍殿名惟見於此治平元年五月二十九
日夏至假書

右真蹟

後漢張平子墓銘

永和四年
元第三十

右漢張平子墓銘世傳崔子玉撰并書按范曄漢書張

衡傳贊云崔子玉謂衡數術窮天地制作侔造化此銘

有之

四字一作今銘有此語

則真子玉作也其刻石爲二本一在

南陽一在向城天聖中有右班殿直趙球者知南陽縣

事因治縣署毀馬臺得一石有文驗之迺斯銘也遂龕

於廳事之壁其文至凡百君子而止其後

半字有一

亡矣其

在向城者今尙書屯田員外郎謝景初得其半於向城

之野自凡百君子已上則亡矣

三字一作其前半亡矣

今以二本

相補續其文遂復完而闕其最後四字然則昔人爲二

本者不爲無意矣據徐方回所記二十一字迺趙球所

得南陽石之亡者

二十一

字一作唐寶應中有徐方回者別得二十一字云是銘最後文疑

球所得南陽石
之半亡者爾
今不復見則又亡矣惜哉嘉祐八年歲
在癸卯十月十八日書
右真蹟

後漢北海相景君銘

漢安二年元第六百二十六

右漢北海相景君銘其碑首題云漢故益州太守北海
相景君銘其餘文字雖往往可讀而漫滅多不成文故
君之名氏邑里官闕皆不可考一作見其可見者云惟漢

安二年北海相任城府君卒城下一字不可識當爲景
也漢功臣景丹封櫟陽侯傳子尙尙傳子苞苞傳子臨
以無嗣絕安帝永初中鄧太后詔封苞弟遽爲監亭侯
以續丹後自是而後史不復書而他景氏亦無顯者漢
安順帝年號也君卒於順帝時蓋與遽同時人也碑銘

有云不永麋壽余家集錄三代古器銘有云眉壽者皆爲麋蓋古字簡少通用至漢猶然也治平元年四月二

十九日書 右真蹟

後漢費鳳碑

漢安二年元第九百九十一

右漢費鳳碑云

集本有君字

伯簫梁相之元子也漢安

二年舉孝廉拜郎中除陳國新平長又云試守故障長

其文班班可見而卒葬年壽皆不載其後悉爲五言韻

語其略曰不悟

集本作語

奄忽中藏形而匿景耕夫釋耒耜

桑女投鉤笱道阻而且長起坐淚如雨其文旣非工故

不悉錄

入字集本作文字工拙古今

熙甯二年十一月

十六日山齋書

右真蹟

後漢劉曜碑

一有并陰二字
元第五百十一

歲月闕

右漢劉曜碑在今鄆州界中文字摩滅僅有存者云諱曜字季尼年七十三其餘爵里官閥卒葬歲月皆不可見字爲漢隸亦不甚工惟其銘云天臨大漢錫以明哲碑首題云漢故光祿勳東平無鹽劉府君之碑以此知爲漢碑也治平元年四月一日書

右真蹟

後漢衡方碑

建甯二年
元第九百二十一

右漢衡方碑云府君諱方字興祖其先伊尹在殷號稱阿衡因而氏焉又曰州舉孝廉除郎中郎邱侯相膠東令州舉尤異遷會稽東部都尉又拜議郎北平太守遷潁川太守又曰拜步兵校尉年六十有三建甯元年二

月五日癸丑卒於是海內門生故吏采嘉石樹靈碑鐫
茂伐祕將來此其始終之大略其餘厯厯可見而時亦
摩滅以其文多不備錄也治平元年六月三日書

右真蹟

後漢謁者景君碑

歲月闕
元第九百七十一

右漢景君碑尤摩滅惟謁者任城景君數字尙完其餘
班班可見者皆不能成文故其年世壽考功行卒葬莫
可考也蓋漢隸今尤難得其摩滅之餘可惜爾

右集本

後漢景君石郭銘

歲月闕
元附九百七十一

右景君石郭銘者余旣得前景君碑又得此銘皆在任
城不知一景君乎將任城景氏之族多邪文字摩滅不
可考故附於此熙甯三年正月朔旦山齋記

右真蹟

集古錄跋尾卷一終

集古錄跋尾卷一

言
朱氏槐廬校刊

集口金跂月卷一

五

集古錄跋尾卷二

宋廬陵歐陽修永叔著

吳縣朱記榮校刊

後漢沛相楊君碑

建甯元年第十一

右漢沛相楊君碑在閬鄉楊震墓側碑首尾不完失其名字按後漢書震及中子秉秉子賜賜子彪皆有傳又云震長子牧富波相牧孫奇侍中奇子亮陽成亭侯又云少子奉奉子敷敷子衆務亭侯又有彪彪子修楊氏子孫載於史傳者止此爾不知沛相爲何人也碑云孝順皇帝西巡以掾史召見拜郎中遷常山長史換犍爲府丞宰司累辟應於司徒州察茂才遷鮦陽侯相後拜議郎五官中郎將沛相年五十六建甯元年六月癸丑

邁疾而卒其終始尙可見而惜其名字亡矣治平元年
六月十日書 右眞蹟

又別本 增入

右漢楊君碑者其名字皆已摩滅惟其銘云明明楊君
其姓尙可見爾其官闕始卒則粗可考云孝順皇帝西
巡以掾史召見帝嘉其忠臣之苗器其與璠之質詔拜
郎中遷常山長史換犍爲府丞非其好也迺翻然輕舉
宰司累辟應於司徒州察茂才遷鮦陽侯相金城太守
南蠻蠡迪王師出征拜車騎將軍從事軍還策勳復以
疾辭後拜議郎五官中郎將沛相年五十六建甯元年
五月癸丑邁疾而卒其終始頗可詳見而獨其名字泯

滅爲可惜也是故余嘗以謂君子之垂乎不朽者顧其道如何耳不託於事物而傳也顏子窮臥陋巷亦何施於事物邪而名光後世物莫堅於金石蓋有時而敝也治平元年閏五月二十八日書

後漢郭先生碑

歲月闕
元第五十一

右漢郭先生碑云諱輔字輔成其先出於王季之中子爲文王卿士食菜於號後世謂之郭厯戰國秦漢子孫流分來居荆土先生其少也孝友而悅學其長也寬舒如好施是以宗親歸懷鄉邨高尙年五十有二遇疾而終其以而爲如及用鄉邨字與婁壽碑同蓋漢人如此爾治平元年六月二十日書

右真蹟

又別本

右不見書撰人名氏碑在襄州穀城縣界中其辭云先生諱輔字輔成其先出自有周王季之中子爲文王卿士食菜於虢至於武王錫而封之後世謂之郭春秋之時爲晉所并厯戰國秦漢子孫派分來居荆士氏國立姓焉傳云聖賢之後必有達者先生應焉孝友而說學其長也寬舒如好施是以宗親歸懷鄉鄰高尙年五十有二遇疾而終其文字古質蓋漢之碑也其用鄉鄰字與漢婁壽碑同其曰寬舒如好施蓋以如字爲而也春秋時星隕如雨釋者曰如而也然施於文章以如爲而始見於此也

右集本

後漢費府君碑

歲月闕
元第七百一十一

右漢梁相費府君碑其名字若云諱况字仲慮而况疑爲汎慮疑爲寬其官閥可見者爲蕭令九年沛有蝗獨不入其界國以狀聞朝廷嘉諸拜梁相春秋八十卒其銘頗簡而文字粗完云蘇蘇顯祖厥德懿鑠播勳於前丕碩基業遺愛於民福流後胙自此摩滅不可識者八字其卒章云功烈休矣來昆戮力而穆字爲蘇古文多然右集本

後漢俞鄉侯季子碑

歲月闕
元第九百三十

右漢俞鄉侯季子碑云君諱熊字孟下闕一字廣陵海西人也厥祖天皇大帝垂精接感篤生聖明子孫享之

分源而流枝葉扶疎出王別允受爵列土封侯載德君
光武皇帝之元廣陵王之孫俞鄉侯之季子也由是而
後文字闕滅其稍稍可讀者時得其一二云六籍五典
如源如泉旣練州郡卷舒委隨化流南城政猶北辰三
祀有成來臻我邦仁恩如冬日威猛烈夏日一作炎夏吏民
愛若慈父畏如神明其後又云採摭謠言作詩三章據
碑文無卒葬年月而其辭若此似是德政碑按後漢書
光武皇帝子曰廣陵思王荆荆子元壽等四人皆封鄉
侯史略而不載其名俞鄉侯者不知爲誰也思王荆之
第幾子也天皇帝之語自漢以來有矣治平元年六

月五日書

右集本

後漢武榮碑

歲月闕元第五百二十一

右漢武榮碑云君諱榮字舍

集本作舍

和治魯詩經章君章

句孝經論語漢書史記左氏國語爲州書佐郡曹史

集本

作文

主簿督郵五官掾功曹年三十六南蔡府君察舉

孝廉執金吾丞孝桓大憂屯守元武關加遇害氣遭疾

殞殯其餘文字殘缺不見其卒葬年月又不著氏族所

出惟其碑首題云漢故執金吾丞武君之碑云治平元

年五月六日書

右真蹟

後漢楊震碑

歲月闕元第九十一

右漢楊震碑首題云漢故太尉楊公神道碑銘文字殘

缺首尾不完其可見而僅成文者云聖漢龍興神祇降

社乃生於公又云窮神知變與聖同符鴻漸衡一作門

臺英雲集又云貽我三魚以章懿德又云大將軍辟舉

茂才除襄城令遷荊州刺史東萊涿郡太守又云司徒

太尉立朝正色恪勤竭忠其餘字存者多而不復成文

矣治平元年六月十日書 右真蹟

後漢楊震碑陰題名 元第八百七十一真蹟

右漢楊震碑陰題名者一百九十人其餘摩滅不完者又十餘人余家所錄漢碑陰題名頗多或稱故吏門生弟子或稱從事曹掾之類其人皆著州縣邑里名字甚詳獨此碑所書簡略直云河閒賈伯綺博陵劉顯祖之類凡百九十人者皆然疑其所書皆是字爾蓋後漢時

人見於史傳者未嘗有名兩字者也漢隸世所難得幸而在者多殘滅不完獨此碑刻畫完具而隸法尤精妙甚可喜也治平元年中伏日書

後漢碑陰題名

歲月闕
元第八百

右漢碑陰題名不知爲何人碑余家集錄古文旣多或失其所得之自然漢碑存於今者惟華嶽與孔子廟最多其陰往往列修廟人姓名并記其所出錢數不過三百至五百今斯碑所題文字缺滅而中間有錢各五百四字則似是修廟人所記其人可見者有濟陰定陶蔡顥子盛山陽金鄉張諺季德河南宛陵趙堂世萇南陽南鄉鄧升升遠濟陰成武周鳳季節而其餘人姓名邑

里多不完又時時有故吏字不知爲何人祠廟第以漢
隸難得錄之爾治平元年閏五月八日書

右真蹟

又碑陰題名

歲月闕
元無卷第

右漢碑陰題名不知爲何碑之陰蓋余家集錄旣多而
或失其所得之處又其文字摩滅莫可考究惟有錢各
五百四字似是漢時修廟人爾漢碑今在者惟華嶽與
孔子廟中最多其碑陰題名者往往各書所出錢數不
過三百五百也而此碑所列邑里姓名字完可見者尙
十餘人然皆是濟陰山陽彭城汝南陳畱人則疑爲修
孔子廟人也今列於後覽者可以察焉濟陰定陶蔡顥
子盛濟陰張翔季審陳畱酸棗李真顯節山陽金鄉張

諺季德河南宛陵趙堂世萇南陽南鄉鄧升升遠濟陰
成武周鳳季節山陽昌邑田允元尊濟陰成武史楞世
明彭城朱翔元舉

右真蹟

又碑陰題名

歲月闕
元第八百三十一

右漢碑陰題名二皆不知爲何碑陰其人各記所出錢
數似是漢時修廟人題名余家集錄華嶽及孔子廟碑
多如此此亦疑是二廟中碑前碑殘滅尤甚第時有門
生濟南東郡等字而姓名無復完者碑後則有議曹功
曹騎吏有蓮勺左鄉有秩池陽左鄉有秩池陽集丞有
秩皆不知是何名號又有闕一字陽侯長祿祢侯長則
是縣吏之名其隸字不甚精又無事實可考姑錄其名

號以俟知者爾治平元年五月九日書

右集本

後漢公防碑

一作仙人唐君碑元第五百七十一

歲月闕

右漢公防碑者乃漢中太守南陽郭芝爲公防修廟記也漢碑今在者類多摩滅而此記文字僅存可讀所謂公防者初不載其姓名但云君字公防爾又云耆老相傳以爲王莽居攝二年君爲郡吏啖瓜旁有真人居字左右莫察君獨進美瓜又從而敬禮之真人者遂與期谷口山上乃與君神藥曰服藥以後當移意萬里知鳥獸言語是時府君去家七百餘里休謁往來轉景卽至闔郡驚焉白之府君一無徒一作君字爲御史一作吏鼠齧被具君乃畫地爲獄召鼠誅之視其腹中果有被具府君

欲從學道頃無所進府君怒勅尉部吏收公昉妻子公
昉呼其師告以厄其師以藥飲公昉妻子曰可去矣妻
子戀家不忍去於是乃以藥塗屋柱飲牛馬六畜須臾
有大風雲來迎公昉妻子屋宅六畜翛然與之俱去其
說如此可以爲怪妄矣嗚呼自聖人歿而異端起戰國
秦漢以來一作之際奇辭怪說紛然爭出不可勝數久而佛

之徒來自西夷老之徒起於中國而二患交攻爲吾儒
者往往牽而從之其卓然不惑者僅能自守而已欲排
其說而黜之常患乎力不足也如公昉之事以語愚人
豎子皆知其妄矣不待有力而後能破其惑也然彼漢
人乃刻之金石以傳後世其意惟恐後世之不信然後

世之人未有不從而惑也治平元年四月二十三日以
早開宮寺祈雨五日中一日休務假書 右真蹟

後漢人闕銘

歲月未詳
元第七百八十一

右漢人闕銘二其一曰永樂少府賈君闕其一曰雒陽
令王君闕二者皆不知爲何人按漢書桓帝母孝崇
皇后居永樂宮和平元年詔置太僕少府如長樂故事
又按顏師古注地理志曰魚豢 真蹟誤作券 云漢火行忌水

故去洛水加隹師古謂光武以後始改爲雒然則二人
者皆後漢時人也又按漢官儀長樂少府以宦者爲之
則賈君者蓋亦宦者也治平元年九月十五日書 右真蹟

後漢武班碑

建和元年
元第五百五十一

右漢班碑者蓋其字畫殘滅不復成文其氏族州里官
闕卒葬皆不可見其僅見者曰君諱班爾其首書云建
元年太歲在丁亥而建下一字不可識以漢書考之後
漢自光武至獻帝以建名元者七謂建武建初建光建
康建和建甯建安也以厯推之歲在丁亥乃章帝章和
元年後六十一年桓帝卽位之明年改本初二年爲建
和元年又歲在丁亥則此碑所缺一字當爲和字真蹟無此
六建和元年也碑文缺滅者十八九惟亡者多而存者
少尤爲可惜也故錄之治平元年四月二十日書右集本
後得別本摹搨粗明始辨其一二云武君諱班乃易去
前本熙甯二年九月朔日記

後漢中常侍費亭侯曹騰碑

建和元年
第一百七十一

右漢中常侍費亭侯曹騰碑文字摩滅其粗可見者云
維建和元年七月二十二日己巳皇帝若曰其遣費亭
侯之國其餘不可識也建和桓帝卽位之元年也後三
十七年獻帝中平元年騰養子操始爲騎都尉集本有
頃兵二
字擊黃巾矣治平元年六月十日書 右真蹟

後漢司隸楊君碑

建和二年
元第六百九十一

右漢司隸校尉楊厥碑云惟々靈定位川澤攸同澤有
所注川有所通余谷之川其澤南隆八方所達益域爲
充高祖受命興於漢中道由子午出散入秦建定帝位
以漢詆焉後以子午塗路澀難更隨圍谷復通堂光凡

此四道垓鬲尤艱至於永平其有四年詔書開余鑿通石門中遭元二西夷虐殘橋梁斷絕子谷復循於是故司隸校尉健爲武陽楊厥字孟文深執忠伉數上奏請廢子由斯得其度經至建和二年漢中太守王升字稚紀嘉君明知美其仁賢勒石頌德以明厥勳其辭大略如此其刻畫尙完可讀大抵述厥修復斜谷路爾但其用字簡省復多舛繆惟以𠂔爲坤以余爲斜漢人皆爾獨詆字未詳永平明帝建和桓帝年號也

右集本

後漢張公廟碑

和平元年
第八百六十一

右漢張公廟碑在黎陽而碑無題首又其文字殘滅不可考究莫知爲何碑第時時得其字之可識而僅成文

者曰惟和平元年正月丙寅和平桓帝年號以此知爲
漢碑也又曰豐碑廟堂之前又曰於穆張公則又知爲
張公廟碑矣又曰國無災祲屢獲豐年作歌九章頌公
德芳其辭有云公與守相篤蜚魚往來倏忽遠熹娛祐
此兆民甯厥居其餘字畫尙完者甚多但不成文爾治
平元年閏五月九日書是日奏事垂拱退召赴延和閣
謝契丹禮物遂歸休

右真蹟

後漢魯相置孔子廟卒史碑

元嘉二年
元第三百九十一

右漢魯相置孔子廟卒史碑云司徒臣雄司空臣戒稽
首言魯前相瑛書言詔書崇聖道孔子作春秋制孝經
演易繫辭經緯天地故特立廟褒成侯四時來祠事已

卽去廟有禮器無常人掌領請置百石卒史一人典主
守廟謹問太常祠曹掾馮牟史郭元辭對故事辟雍祠
先聖太宰太祝各一人備爵太常丞監祠河南尹給牛
羊豕大司農給米臣愚以爲如瑛言可許臣雄臣戒愚
戇誠惶誠恐頓首頓首死罪死罪臣稽首以聞制曰可
按漢書元嘉元年吳雄爲司徒二年趙戒爲司空卽此
云臣雄臣戒是也魯相瑛者據碑言姓乙字仲卿漢碑
在者多摩滅此幸完可讀錄之以見漢制三公奏事如
此與羣臣上尙書者小異也又見漢祠孔子其禮如此
治平元年六月二十日書

右真蹟

後漢孔德讓碑

一作碣 永興二年
元第八百五十一

右漢孔德讓碑蓋其名已摩滅但云字德讓者宣尼公

二十世孫都尉君之子也仕歷郡諸曹史年二十永興

二年七月遭疾不祿碑在今兗州孔子墓林中永興孝

桓帝年號也一有都尉者其人二字一作德讓早卒無事蹟可

考余集錄所藏闕二字孔林中漢此字無碑最後得此遂

無遺者蓋以其文字簡少無事實故世人遺而不取獨

余家有之也治平元年閏正月二十日書右真蹟

後漢修孔子廟器碑一作表永壽二年

右漢一作朝韓明府修孔子廟器碑云永壽二年青龍二字

歲一作在涪灘霜月之靈皇極之日永壽桓帝年號也按

爾雅云歲在申曰涪灘桓帝永興三年正月戊申大赦

改元永壽明年

一有歲次二字

丙申曰歲在涓灘是矣云霜月

之靈皇極之日莫曉其義疑是九月五日前漢文章之盛庶幾三代之純深自建武以後頓爾衰薄崔蔡之徒擅名當世然其筆力辭氣非出自自然與夫楊馬之言醇醕異味矣及其末也不勝其弊霜月皇極是何等語韓明府者名勅字叔節前世見於史傳未有名勅者豈自余學之不博乎春秋左氏傳載古人命名之說不以爲名者頗多故以勅爲名者少也治平元年二月晦日書

右真蹟

後漢樊常侍碑

永壽四年元第一百四十二

右漢樊常侍碑云君諱安字子佑南陽湖陽人也君幼

學治韓詩論語孝經歷中黃門拜小黃門小黃門右史

遷藏府令中常侍年五十有六永壽四年四月石本作二月甲

辰卒其先爲中黃門後爲小黃門又爲小黃門右史蓋

漢官之制今不詳其次序也余少家漢東天聖四年舉

進士赴尙書禮部道出湖陽

一本作閭

見此碑立道左下馬

讀之徘徊碑下者久之後三十年始得而入集錄蓋初

不見錄於世自余集錄古文時人稍稍知爲可貴自此

古碑漸見收采也嘉祐八年十月十四日書

右集本

後漢孫叔敖碑

延熹三年元第

二百八十一

右漢孫叔敖碑云名饒字叔敖而史記不著其名而見

於他書者亦皆曰叔敖而已微斯碑後世遂不復知其

名饒也此碑世亦罕傳余以集錄二十年間求之博且勤乃得之然則世之未見此碑者猶不知爲名饒也謂余集古爲無益可乎

右真蹟

後漢泰山都尉孔君碑

延熹四年元第三百八十一

右漢泰山都尉孔君碑云君諱宙字季將

二字一作秀特孔子

十九世之孫也年六十一延熹四年正月乙未以疾卒

一有於家二字

其敘官閎甚簡又或殘滅不完但見其舉孝廉

爲郎遷元城令遂爲泰山都尉爾其辭有云躬忠恕以

及人兼禹湯之罪己宙人臣而引禹湯以爲比在今人

於文爲不類蓋漢世近古簡質猶如此也治平元年閏

五月二十一日書

右真蹟

後漢孔宙碑陰題名

歲月闕
元第八百六十一

右漢孔宙碑陰題名漢世公卿多自教授聚徒常數百人其親授業者爲弟子轉相傳授者爲門生今宙碑殘缺其姓名邑里僅可見者纔六十二人其稱弟子者十人門生者四十三人故吏者八人故民者一人宙孔子十九世孫爲泰山都尉自有錄治平元年閏五月二十一日書

右真蹟

後漢西嶽華山廟碑

延熹四年
元第八百四十一

右漢西嶽華山廟碑文字尙完可讀其述自漢以來云高祖初興改秦淫祀太宗承循各詔有司其山川在諸侯者以時祠之孝武皇帝修封禪之禮巡省五嶽立宮

其下宮曰集靈宮殿曰存僊殿門曰望僊門中宗之世
使者持節歲一禱而三祠後不承前至於亡新寢用邱
虛建武之元事舉其中禮從其省但使二千石歲時往
祠自是以來百有餘年所立碑石文字摩滅延熹四年
宏農太守袁逢脩廢起頓易碑飾闕會遷京兆尹孫府
君到欽若嘉業遵而成之孫府君諱瑋其大略如此所
謂集靈宮者他書皆不見惟見此碑一有爾字則余之集錄
不爲無益矣十字無此治平元年閏五月十六日書右真蹟

後漢朔方太守碑陰

延熹四年元附一百二十一

右漢朔方太守碑陰題名

此字無

云永壽二年朔方太守

上郡仇君察察下減一字除郎中大曲長大下又減一

字延熹四年九月乙酉詔書遷衙令五年正月到官奉
見明府見下又滅一字立祠刊石表章大聖之遺靈永
示來世之未一作未下又滅一字謹出錢千千下又滅
兩字者下行因紀姓名七一無據此乃當時修廟出錢人
爾今其姓名往往可見云衙鄉三老時勤伯秋上官鳳
季方錄事史楊禹孟布衙主記掾楊綬子長門下功曹
裴篤伯安倉曹掾任就子優又有集曹掾軍一作君假司
馬之類名字多不完其所出錢不過三百至五百蓋漢
世物輕幣重今華嶽孔子廟碑陰所列亦皆如此其所
立祠蓋不知爲何廟也治平元年夏至日書右真蹟

後漢王元賞碑

延熹四年元

第六百四十一

右漢王元賞碑云君諱某字元賞御史君之孫茂才君之子也歷秦及漢有國有家宰相牧守踵五相襲又曰遭父喪以孝立稱土階環堵兼業竝受門徒雨集盛於洙泗又曰郡察孝廉郎中謁者宛陵丞封邱令母憂去官服祥辟司空府延熹四年五月辛酉遭命而終其文
字摩滅隱隱可見者如此其名旣亡又不序其姓惟其銘云於惟王君以此知其姓王爾治平元年五月二日書

右集本

後漢郎中鄭固

宣

作碑

延熹年間

集本

右漢郎中鄭固碑文字摩滅其官闕卒葬年月皆莫可考其僅可見者云君諱固字伯堅孝友著於閭門至行

立乎鄉黨初受業於歐陽仕郡諸曹掾史主簿督郵五官掾功曹又曰忠以衛上清以自修其餘殘缺不復成文又云延熹元年又曰詔拜而不見其官惟其碑首題云漢故郎中鄭君之碑以此知其官至郎中爾漢隸刻石存於今者少惟余以集錄之勤所得爲獨多然類多殘缺一作不完蓋其難得而可喜者其零落之餘尤爲可惜也延熹元年二月之下一本云詔拜郎中非其好也以疾錮辭年四十二遭命殞身而中間又有遜遁退讓之語通當作循錮當作固疑漢人用字多假借又疑以疾錮辭謂疾已堅固若云以疾篤辭覽者詳之末有治平元年四月十二書

後漢田君碑

延熹年間元第四百五十一

石漢田君碑今在沂州其名字皆已摩滅惟云其先出

自帝舜之苗裔自完適齊因以爲氏乃知爲姓田爾父云周秦之際家於東平陽君總角修韓詩京氏易

眞蹟作易

京氏究洞神變窮奧極微爲五官掾功曹州從事辟太尉

延熹二年辛亥詔書泰山瑯琊盜賊未息州郡吏有仁

惠公清撥煩整化者試守滿歲爲眞州言名時牧劉君

知君宿操表上試守費自此以後殘缺不可次第而隱

隱可見蓋無年壽卒葬月日而有故吏薛咸等立石勒

銘之語乃費縣令長德政去思碑爾治平元年六月二

十九日書

右眞蹟

後漢桐柏廟碑

延熹六年元第一百九十一

右漢桐柏廟碑摩滅雖不甚而文字斷續粗可考次蓋

南陽太守修廟碑也其辭云延熹六年正月乙酉南陽

太守中山盧奴口

文苑作張字

君奴下正闕一字當是其姓

又云尊神敬祀立廟桐柏春秋宗禋

一作宗奉

災異告變水

旱請求位比諸侯聖漢所尊

一作宗

太守奉祀二十餘年

不復身至遣臣行事簡略不敬明神弗歆災害以生五

嶽四瀆與天合德仲尼慎祭常若神在君準則大聖親

之桐柏來見廟祠崎嶇逼狹開拓神門立闕四望

一作達

增廣壇場又云執玉以沈爲民祈福靈祇報祐天地清

和其大意止於如此其後有頌亦可讀第不見太守姓

名爾然不著他事惟修廟祀神爾桐柏淮瀆廟也治平

元年六月十三日書

右真蹟

後漢祝睦碑

延熹七年
元第三百十一

右漢祝睦碑云君諱睦字元其下遂缺滅不能成文惟其官壽年月可見云賓於王庭除北海長史潁川鄧令辟司空府北軍中候拜大尙書尙書僕射遷常山相山陽太守年六十有八延熹七年八月丁巳卒睦有二碑皆在今南京虞城縣此碑不見世次而隱隱有云其先高辛爾其後碑則頗完故錄於次也治平元年六月立秋日書 右真蹟

後漢祝睦後碑

元第三百二十二

右漢祝睦後碑其前碑不知所立八名氏兩碑所載官閼壽考年月悉同而此碑有立碑人名氏及睦世次云

故吏王堂等竊聞下有述上之功臣有敘君之德又曰
君兆自黎辛祝融苗胄鄭有祝聃君其裔也其餘文字
亦完可讀二銘皆以三言爲文而後銘尤完云穆我君
邦之陽資五就闔道綱綱下滅一字表微準樞衡稽列
宿覽四方德合乾道應皇領二郡曜重光化流洽緄幽
昌姓天約元用長頌聲作謠令香功烈著遺椒芳存覲
榮淪弗忘其後二句摩滅難詳故錄其成文以見其雅
質亦可佳也治平元年六月立秋日書 右真蹟

後漢老子銘

延熹八年
元第一百六十一

右漢老子銘按桓帝本紀云延熹八年正月遣中常侍
左悺之苦縣祠老子至十一月又遣中常侍管霸祠之

而此碑云八月夢見老子而祠之世言碑銘蔡邕作今
檢邕集無此文皆不可知也

右真蹟

後漢堯祠祈雨碑

延熹十年
元第九百六十一

右漢堯祠祈雨碑首尾殘滅其僅可識者有云股肱賢
良廣祈多福虔虔夙夜又云常以甲子日詔太常陳上
古之禮舞先王之樂又云延熹十年仲春二月陽氣侵
陰又云享祀羣神仰瞻雲漢又曰嘉樹優霑利茂萬物
又云孟府君知堯精靈與天通神修治大殿以此知爲
祈雨於堯祠也堯祠在漢濟陰郡孟府君者當是濟陰
郡太守也其餘隸字完者頗多亦往往成句但斷續不
可次敘爾治平元年六月六日書

右集本

集古錄跋尾卷二終

